

UNIVERZITET U SARAJEVU
ELEKTROTEHNIČKI FAKULTET U SARAJEVU

Broj: 02- 6076/20
Sarajevo, 20.11.2020. godine

Na osnovu člana 136. Zakona o visokom obrazovanju ("Službene novine Kantona Sarajevo", br. 33/17, 35/20 i 40/20), člana 108. Statuta Univerziteta u Sarajevu (broj: 01-1093-3-1/18 od 28.11.2018. godine) i prijedloga prodekana za nastavu Elektrotehničkog fakulteta u Sarajevu od 19.11.2020. godine, dekan Elektrotehničkog fakulteta u Sarajevu, donosi

ODLUKU

o načinu organizacije parcijalnih ispita iz nastavnih predmeta
zimskog semestra u studijskoj 2020/2021. godini

I. Prvi ciklus studija i stručni studij "Razvoj softvera"

1. Parcijalni ispiti iz nastavnih predmeta prve godine prvog ciklusa studija, u zimskom semestru studijske 2020/2021. godine, održat će se u pravilu uživo, u prostorijama Elektrotehničkog fakulteta u Sarajevu, uz poštivanje svih propisanih epidemiološko-higijenskih mjera. Izuzetak predstavljaju parcijalni ispiti iz nastavnih predmeta za koje su predmetni nastavnici dostavili zahtjev i saglasnost za organiziranje ispita u online režimu.
2. Parcijalni ispiti iz nastavnih predmeta prvog ciklusa studija i stručnog studija "Razvoj softvera" Elektrotehničkog fakulteta u Sarajevu, organizirat će se osmoj sedmici realizacije nastavnog procesa (nastave), počevši od 30.11.2020. godine (ponedjeljak) do 05.12.2020. godine (subota), odnosno najkasnije 07.12.2020. godine (ponedjeljak), u kojem periodu, zbog realizacije ispitnih okolnosti se neće održavati nastavni proces. U slučaju održavanja ispita, 07.12.2020. godine (ponedjeljak), nastavni proces planiran za taj dan, saglasno utvrđenom Rasporedu predavanja za zimski semestar studijske 2020/2021. godine će se nadoknaditi.
3. Tačan raspored održavanja parcijalnih ispita iz nastavnih predmeta zimskog semestra u studijskoj 2020/2021. godini, sa vremenskim periodom održavanja ispita i naznakom da li se ispit održava uživo u prostorijama Elektrotehničkog fakulteta u Sarajevu ili u online režimu, bit će objavljen naknadno.
4. Parcijalni ispiti iz nastavnih predmeta zimskog semestra studijske 2020/2021. godine, za koje je planirano online održavanje, moguće je, u dogovoru sa studentima, održati i nakon osme sedmice realizacije nastavnog procesa (nastave), ali isključivo u terminu planiranom za održavanje predavanja i ukoliko za to postoji mogućnost prema predviđenom fondu nastavnih sati na nastavnom predmetu. O ovom načinu realiziranja parcijalnih ispita, predmetni nastavnik je dužan obavijestiti prodekana za nastavu Elektrotehničkog fakulteta u Sarajevu.
5. Za sve nastavne predmete prvog ciklusa studija i stručnog studija "Razvoj softvera", predmetni nastavnici su obavezni 20.11.2020. godine (petak), najkasnije do 23:59 sati, otvoriti na Zamgeru prijavu za ispite, pri čemu prijave ostaju otvorene do 23.11.2020. godine (ponedjeljka) do 23:59 sati. Za termin održavanja svih ispita potrebno je kao datum upisati 30.11.2020. godine i vrijeme 01:00 sati, a na osnovu kojih podataka (prijava) će se utvrditi i planirati osiguranje prostornih kapaciteta i ljudskih resursa.
6. Predmetni nastavnici su u roku iz tačke 5. ove odluke obavezni na internet stranicu nastavnog predmeta oglasiti obavijest da li će se ispit održati uživo ili u online režimu, kao i jasnu instrukciju da je neophodno izvršiti prijavu ispita putem Zamgera u roku iz tačke 5. ove odluke, uz napomenu da studenti koji do navedenog termina ne izvrše prijavu ispita, neće moći pristupiti polaganju ispita.

II. Drugi ciklus studija

1. Parcijalni ispiti iz nastavnih predmeta drugog ciklusa studija u zimskom semestru studijske 2020/2021. godine, mogu se realizirati uživo u prostorijama Elektrotehničkog fakulteta u Sarajevu ili u online režimu i to u devetoj, desetoj i jedanaestoj sedmici nastavnog procesa (nastave), o čemu odluku donosi predmetni nastavnik. Parcijalni ispiti će se u pravilu organizirati u terminu održavanja predavanja.
2. Nastavni proces na drugom ciklusu studija neće se prekidati u toku realizacije parcijalnih ispita.
3. Za nastavne predmete drugog ciklusa studija na kojima predmetni nastavnici planiraju održati parcijalne ispite u online režimu, predmetni nastavnik je obavezan oglasiti odgovarajuću obavijest za studente na internet stranici nastavnog predmeta.
4. Za nastavne predmete drugog ciklusa studija na kojima predmetni nastavnici planiraju održati parcijalne ispite uživo u prostorijama Elektrotehničkog fakulteta u Sarajevu, ukoliko ispite nije moguće realizirati u terminu predviđenom za predavanja, predmetni nastavnici mogu u dogovoru sa studentima odrediti drugi termin. O utvrđenom terminu, predmetni nastavnici su dužni obavijestiti prodekana za nastavu Elektrotehničkog fakulteta u Sarajevu i studente putem internet stranice nastavnog predmeta najkasnije do 04.12.2020. godine (petak).

III. Mjere

1. Prilikom pristupanja ispitu koji će se realizirati uživo u prostorijama Elektrotehničkog fakulteta u Sarajevu, student je obavezan dostaviti potpisanu izjavu o zdravstvenom stanju (izjava će biti dostupna na internet stranici Elektrotehničkog fakulteta u Sarajevu), u suprotnom neće moći pristupiti prostorijama Elektrotehničkog fakulteta u Sarajevu.
2. Tokom cijelog trajanja ispita uživo u prostorijama Elektrotehničkog fakulteta u Sarajevu, studenti su dužni nositi zaštitne maske, u suprotnom će biti odstranjeni s istog.
3. Dežurači na ispitima obavezni su nositi zaštitne maske tokom cijelog trajanja ispita.
4. Na ulazu u prostoriju u kojoj se održava ispit, studentu će prije početka rada biti izmjerena tjelesna temperatura. Za mjerenje tjelesne temperature zaduženi su dežurači na ispitima.
5. Ukoliko student iz opravdanih razloga ne može pristupiti ispitu koji se održava uživo u prostorijama Elektrotehničkog fakulteta u Sarajevu (bolest, simptomi COVID-19, izolacija i slično), dužan je o tome podnijeti odgovarajuće dokaze od nadležnih zdravstvenih i drugih institucija. Ukoliko su u pitanju nemedicinski razlozi, student je dužan dostaviti potpisanu i ovjerenu izjavu o razlozima nemogućnosti dolaska. U slučaju postojanja takvih opravdanih okolnosti, studentu će se omogućiti naknadno polaganje ispita.
6. Za sve ispite koji će se održati u online režimu, u cilju minimiziranja eventualnih zloupotreba prilikom polaganja ispita, te u cilju utvrđivanja autentičnosti i vjerodostojnosti urađenog sadržaja ispita, predmetni nastavnici mogu zatražiti od studenata da sačuvaju rukopise skeniranih materijala, koji će se naknadno provjeriti.
7. U slučaju postojanja osnovane sumnje u vjerodostojnost polaganja online ispita, predmetni nastavnik može organizirati dodatni online razgovor sa ciljem provjere urađenog rada. Online razgovor se realizira u prisustvu predmetnog nastavnika, predmetnog saradnika ili drugog predmetnog nastavnika. U slučaju utvrđivanja nepoznavanje ispitne materije koju je student ranije uradio i dostavio predmetnom nastavniku, predmetni nastavnik ima pravo da ne prizna urađeni rad. Na predmetima na kojima je broj studenata relativno mali, ovaj oblik aktivnosti može se realizirati sa svim studentima.
8. U slučaju pogoršavanja epidemiološke situacije u Kantonu Sarajevo, Federaciji Bosne i Hercegovine i Bosni i Hercegovini, a što za posljedicu bude imalo izmjene preporuka/naredbi nadležnih organa, svi parcijalni ispiti iz nastavnih predmeta u zimskom semestru studijske 2020/2021. godine održat će se u online režimu, uz pomjeranje za sedam dana u odnosu na prethodno utvrđeni termin i raspored.

9. Izmjene i dopune ove odluke, kao i eventualno usklađivanje vršit će se u zavisnosti od epidemiološke situacije i preporuka/naredbi nadležnih organa, na način i pod uvjetima kako je i donesena.

DEKAN

Prof. dr. Jasmin Velagić

Dostaviti:

1. Dekan
2. Prodekan za nastavu
3. Akademsko osoblje
4. Internet stranica
5. a/a

